

卷四

書名 春秋公羊註疏二十八卷
 撰者 漢 何休 學, 唐 陸德明 音義, □ 闕名
 疏
 卷 卷四
 內容分類 經 春秋 春秋公羊 唐
 索書號 經部 彙刻 1
 編號 A 318400

[彩色首頁1](#)

[東洋文化研究所漢籍目錄 編號: A 318400](#)

[東洋文化研究所漢籍目錄所藏漢籍善本文影像資料庫 索書號: 經部 彙刻 1](#)

[漢籍善本文影像資料庫文本春秋公羊註疏二十八卷](#)

版權所有: [東京大學](#) [東洋文化研究所](#)

[使用上的注意事項](#)

春秋公羊註疏隱公卷第一

起元年
盡元年

漢何休學

春秋公羊經傳解詁隱公第一

○陸曰解詁佳買何
反下音古訓也

何

休學

○學者言爲此經
之學即註述之意



春秋至第一○解云案
舊題云春秋隱公經傳

解詁第一公羊何氏則云春秋者一部之總名隱
公者魯侯之諡號經傳者雜縟之稱解詁者何所
自目第一者無先之辭公羊者傳之別名何氏者
邵公之姓也今定本則升公羊字在經傳上退隱
公字在解詁之下未知自誰始也又云何休學今
案博物志曰何休註公羊云何休學有不解者或
答曰休謙辭受學於師乃宣此義不出於已此言
爲允是其義也○問曰左氏以爲魯哀十一年夫
子自衛反魯十二年告老遂作春秋至十四年經
成不審公羊之義孔子早晚作春秋乎○答曰公

主書者為臣子恩痛之他國自從王者恩例錄也。
 起呂起呂嫌上至錄也。○解云即元年傳曰公何以
 反反不言即位成公意歸賙之下傳云然則何言
 爾成公意二年子氏薨之下傳云何以不書葬成公
 意五年考仲子之宮下傳云然則何言爾成公意非
 止此處故言諸也。

春秋公羊註疏隱公卷第三終

春秋公羊註疏桓公卷第四

起元年 盡六年

漢何休學

桓公

元年春王正月公即位傳繼弑君不言即位此其言即

位何傳據莊公不言即位傳繼弑君不言即位此其言即


言即位○解云莊元年傳云繼弑君子不言即位而
 此不言子者欲見桓無臣子之道不念其君父故也
 寧知不由桓非隱子故不言子者正見僖元年傳云
 公何以不言即位繼弑君子不言即位此非子其稱
 子何臣子一例也正以僖是閔兄而言子故知桓公
 若有臣人之道言子矣○傳據莊至即位○解云即
 莊元年經云元年春王如其意也傳弑君欲即位故
 正月不言公即位是也

如其意以著其惡直而不顯諱而不盈桓本貴當立
 所以為篡者隱權立桓北面君事隱也即者就也先
 謁宗廟明繼祖也還之朝正君臣之位也事畢而反
 凶服焉直而不至不盈○解云繼弒君者無即位
 之文今此書其即位直是桓弒但不顯道
 其弒故曰直而不顯也言諱而不盈者桓之弒隱是
 為內諱而書其即位以見其弒不盈滿其諱文故曰
 諱而不盈也○先謁至服
 焉○解云皆時王之禮也

三月公會鄭伯于垂

桓公會皆月者危之也桓弒賢

君篡慈兄專易朝宿之邑無王而行無仁義之心與
 人交接則有危也故為臣子憂之不致之者為下于



上適足以起無王未足以見無王罪之深淺故復奪

臣子辭成誅文也

○為下于偽反下為告同去起呂
 反見賢遍反故復扶又反下同

疏桓公至危之也○解云即此文及下二年三月
 公會齊侯已下于稷三年春正月公會齊侯于贏

六年夏四月公會紀侯于成之屬是也而十年秋公
 會衛侯于桃丘弗遇不書月者彼是公欲要衛侯衛
 侯不肯見公以非禮動見拒有恥是以不復見其危
 矣○不致至文也○解云即下二年註云凡致者
 臣子喜其君父脫危而至今不致之若
 其受誅殺故曰奪臣子辭成誅文也

鄭伯以璧假許田

其言以璧假之何

据實假不當

持璧也易之也易之則其言假之何為恭也

為恭

孫之辭使若暫假借之辭

○孫音遜

曷為為恭

据取邑

不為恭敬辭

疏

据取至敬辭○解云即哀八年齊人取讎及憚之屬是

有天子

存則諸侯不得專地也許田者何

疏


地皆不得專而

此獨為恭辭疑非凡邑故更問之魯朝宿之邑也諸

侯時朝乎天子天子之郊諸侯皆有朝宿之邑焉


疏

時朝者順四時而朝也緣臣子之心莫不欲朝朝莫夕王者與諸侯別治勢不得自專朝故即位比年使大夫小聘三年使上卿大聘四年又使大夫小聘五年一朝王者亦貴得天下之歡心以事其先王因助祭以述其職故分四方諸侯為五部部有四輩輩主



一時孝經曰四海之內各以其職來助祭尚書曰羣后四朝敷奏以言明試以功車服以庸是也宿者先誠之辭古者天子邦畿千里遠郊五百里諸侯至遠郊不敢便入必先告至由如他國至竟而假途也皆所以防未然謹事上之敬也王者以諸侯遠來朝亦加殷勤之禮以接之為告至之須當有所住止故賜邑於遠郊其實天子地諸侯不得專也桓公無尊事天子之心專以朝宿之邑與鄭背叛當誅故深諱使若暫假借之者不舉假為重複舉上會者方諱言許

田不舉會無以起從魯假之也○朝朝上如字下直
 反背叛音佩凡背○經說文聘義亦云天子制諸侯
 比年小聘三年大聘相厲以禮也○尚書曰至庸是也
 云此逸書也言羣后四朝者謂諸侯順四時而朝也
 數奏以言者謂諸侯來朝之時徧奏以言語也言明
 試以功者國功曰功謂明試以國事之功也言車服
 以庸者民功曰庸若欲賜車服之時以其治民之功
 高下矣○宿者先誠之辭○解云宿可以專訓為
 亦散齊七日致齊三日鄭註云宮宰守宮此魯朝宿
 官也宿讀為肅肅猶戒也戒輕肅重是也
之邑也則曷為謂之許田諱取周田也諱取周田則
曷為謂之許田繫之許也曷為繫之許近許也此邑



也其稱田何田多邑少稱田邑多田少稱邑分別

之者古有分土無分民明當察民多少課功德○附近

之近別○諱取周田也○解云謂魯人諱取周田而

彼列反○諱取周田也○解云謂魯人諱取周田而

許而繫之許也彼註云常許魯南鄙西鄙此在王圻

之內則非此許也○田多至稱邑○解云田多邑少

稱田者謂邑外之田多邑內家數少如此之時則稱

田即此是也言邑多田少稱邑者謂邑內家數多而

取謹及儼是也○分則至功德○解云知古有分

土無分民者正以詩云逝將去汝適彼樂土論語云
 四方之民襁負其子而至矣
 皆是樂就有德之義故也
夏四月丁未公及鄭伯盟于越○越本亦○解
 夏四月至

公作統 卷之四 泗水閣

云所以日者正以十年冬齊侯衛侯鄭伯來戰于郎相負故也

秋大水 何以書記災也 **災傷二穀以上書災也** 經

曰秋大水無麥苗傳曰待無麥然後書無苗是也先

是桓篡隱百姓痛傷悲哀之心既蓄積而復專易朝

宿之邑陰逆而與怨氣并之所致 以上時掌反凡言以上皆放此蓄

救六 七年傳文也彼傳云曷為先言無麥而後言


無苗一災不書待無麥然後書無苗彼註明君子云

云至麥苗獨書者民食最重是也以此言之則知此

經災傷二穀以上故不書穀名直言大水而已而莊

云冬既見無麥禾矣曷為先言築微而後言無麥禾

諱以凶年造邑也彼註云諱使若造邑而後無麥禾



者惡愈也此蓋秋大水所傷就築微下俱舉水則嫌冬水者是也 **陰逆至所致** 解云陰逆者專易朝宿之邑是怨氣者百姓痛傷悲哀之心是也

冬十月

二年春王正月戊申宋督弑其君與夷及其大夫孔父

賢者不名故孔父稱字督未命之大夫故國氏之

及其大夫孔父 解云此經之下亦有註云賢者不名故孔父稱字督未命之大夫故國氏之者但

考諸舊本悉無此註且與 **及者何** 以公夫人言

註違則知有者衍文也 **及者何** 以公夫人言

及仲子微不得及君上下大夫言及知君尊亦不得

及臣故問之 以公夫人言及 解云即僖十一年夏公及夫人姜氏會齊侯于陽穀


是也。○**仲子至及君**。○解云：隱元年秋天，王使宰
咺來歸惠公仲子之賵，傳云：何以不言及仲子？仲子
微也。彼註云：比夫人微，故不得並及公，是也。○**上**
下至問之。○解云：哀六年夏，齊國夏及高張來奔，是
國夏上大夫，**累也**。○**累累從君而死**，齊人語也。**弑君**
高張下大夫，**累也**。○**累累從君而死**，齊人語也。**弑君**

多矣，舍此無累者乎？曰：有仇牧，荀息皆累也。舍仇牧

荀息無累者乎？曰：有。○**叔仲惠伯是也。**○**舍此音**

仇牧至曰：有。○解云：仇牧之事在莊十二年秋，荀息
之事在僖十年春。○**叔仲惠伯是也**。○解云：應在
文十八年，但成十五年傳乃言之。**有則此何以書賢也？何賢乎？孔父**

据叔仲惠伯不賢。○**据叔至不賢**。○解云：成十
五年傳云：叔仲惠伯傳子赤
者也。文公死，子幼，公子遂謂叔仲惠伯曰：君幼如之
何？願與子慮之。叔仲惠伯曰：吾子相之老夫抱之，何



幼君之有公子，遂知其不可與謀，退而殺叔仲惠伯。
弑子赤而立宣公。彼註云：殺叔仲惠伯不書者，舉弑
君為重。叔仲惠伯事與荀息相類，不得為累者，有異
也。叔仲惠伯直先殺爾，不如荀息死之。以此言之，
則叔仲惠伯不可與謀，而見殺非衛君而死，春秋
不賢之是以不書。故此註云：叔仲惠伯不賢也。**孔**

父可謂義形於色矣。○**以稱字見先君死**。○**見先賢**

見目見斥見見恩。○**孔父至色矣**。○解云：孔父事
並同下，悉薦反。○**君之正義形見於顏色矣**。○**其**

義形於色，奈何督將弑殤公？孔父生而存，則殤公不

可得而弑也。故於是先攻孔父之家。○**大夫稱家父**

者字也。禮臣死君字之以君得字之，知先攻孔父之

家。○**殤式**。○**行乎季孫三月不違**。○**家不藏甲邑無**

百雉之城是也。○**國**父者字也。○解云穀梁傳文。○**國**禮臣至家。○解云臣死君不名之稱謚若字也。者出玉。藻文。殤公知孔父死已必死趨而救之皆死焉。**國**趨


走也。傳道此者明殤公知孔父賢而不能用故致此禍。設使殤公不知孔父賢焉知孔父死已必死設使

魯莊公不知季子賢焉知以病召之皆患安存之時

則輕廢之急然後思之故常用不免。○死焉於**國**設

使至息之。○解云莊公三十二年傳云莊公病將死以病召季子季子至授之以國政曰寡人即不起此病吾將焉致乎魯國云云是也。○**國**故常用不免。○解云謂宋殤公不免死魯莊公不免亂。孔父

正色而立於朝則人莫敢過而致難於其君者孔父



可謂義形於色矣。**國**內有其義而外形見於顏色孔

子曰君子正其衣冠尊其瞻視儼然人望而畏之是

也。重道義形於色者君子樂道人之善言及者使上

及其君若附大國以名通明當封為附庸不絕其祀

所以重社稷之臣也。督不氏者起馮當國不舉馮弒

為重者繆公廢子而反國得正故為之諱也不得為

讓者死乃反之非所以全其讓意也。○難乃旦反儼

嚴重直用反故為于偽反傳。**國**督不至諱也。○解

為隱諱下註不為諱為後同。**國**云春秋之內當國不氏者無知州吁之屬是也。今宋督實戴公之孫而不言公孫者正欲起其取國與馮故也。○註不得至意

也○解云昭二十年傳云何賢乎公子喜時讓國也昭三十一年傳云何賢乎叔術讓國也繆公之傳不言讓國者死乃反之非所以全其讓意也


滕子來朝

三月公會齊侯陳侯鄭伯于稷以成宋亂傳內大惡諱

此其目言之何注目見也斥見其惡言成宋亂遠也

所見異辭所聞異辭所傳聞異辭注所以復發傳者

益師以臣見恩此以君見恩嫌義異也所見之世臣子恩其君父尤厚故多微辭是也所聞之世恩王父少殺故立煬宮不日武宮日是也所傳聞之世恩高



祖尊祖又少殺故子赤卒不日子般卒日是也傳

專反註傳聞及下註傳之皆同以復扶又反下反復同少殺所介反下同煬餘亮反舊始鄭反般音班

注所以復發傳者○解云隱元年公子益師卒之注下已有傳故言復矣○注益師至尤厚○解云彼

以臣之故欲見君恩之薄厚故曰以臣見恩也此以君之故欲見君恩之薄厚故曰以君見恩也○注故

多微辭○解云定元年傳云定哀多微辭彼註云定公有王無正月不務公室喪失國寶哀公有黃池之


會獲麟故總言多是其定公有王無正月得為微辭者即定公元年傳云定何無正月正月者正即位

也定無正月者即位後也彼註云雖書即位於六月實當如莊公有正月今無正月者昭公出奔國當絕

定公不得繼體奉正故諱為微辭使若即位定在正月後故不書正月者是也其不務公室者即定二年冬

十月新作雉門及兩觀其言新作之何修大也修舊不書此何以書譏何譏爾不務乎公室也彼註云務

勉也不務公室亦可施於久不修亦可施於不務如
 公室之禮微辭也者是也其喪國寶得為微辭者定
 公八年盜竊寶玉大弓傳云寶者何璋判白彼註云
 不言璋言玉者起圭璧琮璜璋五玉盡亡之也傳獨
 言璋者所以郊事天尤重書大弓者使若都以國寶
 書微辭也謂之寶者世世係用之辭是也其黃池之
 會得為微辭者哀十三年公會晉侯及吳子于黃池
 傳云其言及吳子何會兩伯之辭也不與夷狄之主
 中國則曷為以會兩伯之辭言之重吳也曷為重吳
 吳在是則天下諸侯莫敢不至也彼註云不書諸侯
 者為微辭使若天下盡會之而魯侯蒙俗會之者惡
 愈是也其獲麟得為微辭者哀十四年春西狩獲麟
 不言為漢之將興不言為周之將亡故得為微辭也
 ○**註**所聞至武宮日是也○解云立煬宮不日者即
 定元年九月立煬宮是也立武宮日者成十六年二
 月辛巳立武宮是也公羊之義失禮鬼神例日故言
 此○**註**所傳至卒日是也○解云子赤卒不日者文
 十八年冬十月子卒傳云何以不日隱之也何隱爾



弑也弑則何以不日不忍言也註云所聞世臣子恩
 痛王父深厚故不忍言其日與子般異是也其子般
 卒日者莊三十二年冬十月乙未子般卒彼註云日
 者為臣子恩錄之也殺不去日見隱者降子赤也者
 是

隱亦遠矣曷為為隱諱**註**據觀魚諱隱賢而桓賊

也**註**宋公馮與督共弑君而立諸侯會於稷欲共誅

之受賂便還令宋亂遂成桓公本亦弑隱而立君子

疾同類相養小人同惡相長故賤不為諱也古者諸

侯五國為屬屬有長二屬為連連有帥三連為卒卒

有正七卒為州州有伯也州中有為無道者則長帥

卒正伯當征之不征則與同惡當春秋時天下散亂

係伍壞敗雖不誅不為成亂今責其成亂者疾其受

賂也加以者辟直成亂也○令力呈反相長丁丈反

子忽反○解云隱五年春公觀魚于

下皆同○棠彼註云實譏張魚而言觀譏遠者耻公

去南面之位下與百姓爭利匹夫無異故諱使若以

遠觀為譏者是也○古者諸侯至有伯也○解云

王制及春秋說文○加以至亂也○解云下十四

年傳云以者何行其意也○彼註云以已從人曰行言

四國行宋意也○今此言以成宋亂者若言公為三國

所以遂行其意而成宋亂非公本意故云加以者辟

直成亂也

夏四月取郟大鼎于宋○傳此取之宋其謂之郟鼎何

據莒人伐杞取牟婁後莒牟夷以牟婁來奔不繫杞

也○疏據莒至杞也○解云隱四年莒人伐杞

取牟婁昭五年莒牟夷以牟婁來奔是也○器從

名○註從本主名名之地從主人○註從後所屬主人器

何以從名地何以從主人○註據錯○疏據錯○解云

錯之與人非有即爾○註即就也若曰取彼器與此




以助享祭諸侯有世孝者天子亦作鼎以賜之禮祭天子九鼎諸侯七卿大夫五元士三也

註宋始至取之○解云謂滅郟取之也○**註**如以義應得者○解云謂若天賜之也○**註**周家至享祭者○解云謂殷衰之云鼎没于泗水及武王克殷之後鼎乃出見故漢書云鼎於周出是也○**註**禮祭至三也○解云春秋說文而膳夫云王日一舉鼎十有二物何氏不取也而士冠禮士喪禮皆一鼎者士冠士喪畧於正祭故也

乎地之與人則不然**註**凡取地皆就有之與器異也俄而可以為其有矣

註俄者謂須臾之間制得之頃也諸侯土地各有封疆里數今日取之然後王者起與滅國繼絕世反取邑不嫌不明故卒可使以為其



有不復追錄繫本主

乎**註**為取恣意辭也弟子未解故云爾

者**註**何者將設事類之辭若楚王之妻媢無時焉可

也**註**媢妹也引此為喻者明其終不可名有也經不

正者從可知省文也

註媢音若楚至可也○解云妻終無可時似若器從今主之名地取便為已有亦

無可時故言此也本更散亡難可指據未知此君名

號云何○**註**明其至有也○解云若作名字言器不

可從今主之名地不可作後主之有也考諸古本名作多字雖恣意取之亦不得多有也若如此解以覆上為取之義矣○**註**經不至文也○解云地不得為今主之有而經不繫本國以正之者從可知省文

戊申納于大廟傳何以書譏爾遂亂受賂納于大

廟非禮也註納者入辭也周公稱大廟所以必有廟

者緣生時有宮室也孝子三年喪畢思念其親故為

之立宗廟以鬼享之廟之為言貌也思想儀貌而事


之故曰齊之日思其居處思其笑語思其志意思其

所樂思其所嗜祭之日入室儼然必有見乎其位周

旋出入肅然必有聞乎其容聲出戶而聽慨然必有

聞乎其歎息之聲孝子之至也質家右宗廟上親親

文家右社稷尚尊尊○大廟音泰下及註同嗜市志反儼音愛又烏改反慨苦愛反



納者入辭也○解云即莊九年傳云納者何入故曰至所嗜○解云皆祭義文也彼註云所嗜素所欲飲食是也○祭之至之聲○解云亦祭義文彼註云周還出戶謂薦設時也無尸者闔戶若食間則有出戶而聽之是也○質家至尊尊○解云春秋說文祭義篇末云建國之神位文家右社稷而左宗廟所謂一隅也

秋七月紀侯來朝註稱侯者天子將娶于紀與之奉宗

廟傳之無窮重莫大焉故封之百里月者明當尊而

不臣所以廣孝敬蓋以為天子得娶庶人女以其得

專封也註稱侯至百里○解云知天子將娶于紀

紀季姜歸于京師之文也知其元非大國者正以隱二年紀子伯莒子盟于密伯子並稱之故知此侯非

本爵也知非暫得褒賞而已而知封之百里者正以自今以後恒稱侯故也卽下六年夏公會紀侯于成十三年春公會紀侯鄭伯之屬是也○**註**月者至孝敬○**解**云凡朝例時以其尊而不臣故書月令與朝異○**註**蓋以至封也○**解**云此欲道諸侯不得專封是以不取于大夫以下卽文四年夏逆婦姜于齊略之也彼註云賤非所以奉宗廟故略之是也


蔡侯鄭伯會于鄧**傳**離不言會此其言會何**註**据齊侯

鄭伯于紀二國會曰離二人議各是其所是非其所

非所道不同不能決事定是非立善惡不足采取故

謂之離會**註**据齊至離會○**解**云五年齊侯鄭伯

離會也但離不言如紀當時紀不與會是以齊侯鄭伯爲會故變言如矣**蓋鄧與會爾****註**時因鄧都得與鄧



會自三國以上言會者重其少從多也能決事定是非立善惡尚書曰三人議則從二人之言蓋取諸此

○與會音預**註**尚書至之言○**解**云洪範文

九月入杞

公及戎盟于唐**註**不日者戎怨隱不反國善桓能自復

翕然相親信

冬公至自唐**註**致者君子疾賢者失其所不肖者反以

相親榮故與隱相違也明前隱與戎盟雖不信猶可

安也今桓與戎盟雖信猶可危也所以深抑小人也

凡致者臣子喜其君父脫危而至

疏也。故與隱相違也。○解云即隱

二年秋八月公及戎盟于戎不書致是也。○**疏**明前

至安也。○解云隱公之盟書曰故言不信也不書致

故言猶可安。○**疏**今桓至而至。○**疏**云不日故為信書致故言危也。

三年春正月公會齊侯于嬴。○**疏**無王者以見桓公無王

而行也。二年有王者見始也。十年有王者數之終也。


十八年有王者桓公之終也。明終始有王桓公無之

爾不就元年見始者未無王也。二月非周之正月所

以復去之者明春秋之道亦通於三王非主假周以

為漢制而已。○**疏**嬴音盈以見賢徧反下并年下

以見同復扶又反下同去起呂反。○**疏**二



年至始也。○解云即二年春王正月戊申宋督弑其

君與夷是也。○**疏**十年至終也。○解云即十年春王

正月庚申曹伯終生卒是也。○**疏**十八年至終也。○解

云即十八年春王正月公會齊侯于濼是也。○**疏**不

就至始者。○解云元年春王正月初即位之時自知

已篡戰懼畏討未敢無王是以春秋於正月之際不

得見始須臾之後還復為惡擅易天子之田俄然無

憚故至二年正月言王以見始。○**疏**二月無王。○解

云即七年二月己亥焚咸丘十有三年春二月公會

夏齊侯衛侯胥命于蒲。○**疏**胥命者何相命也。

時盟不歃血但以命相誓。○**疏**歃本又作哺所

洽反又所甲反。○**疏**胥命

○解云春秋上下更無胥命之文故執不知問。○**疏**何

時盟至相誓。○解云亦相誓救但不歃血而已故謂

也之盟何言乎相命据盟亦相命不道也近正也

以不言盟也近正附近之近下及註同

軟血口相誓救不若古者此其為近正奈何古者不

盟結言而退善其近正似於古而不相背故書以

撥亂也言佩

六月公會紀侯于盛音成

秋七月壬申朔日有食之既既者何盡也光明滅

盡也是後楚滅鄧穀上僭稱王故尤甚也楚滅鄧穀

不書者後治夷狄既者何解云與例不同故



解云即下七年夏穀伯綏來朝鄧侯吾離來朝傳云皆何以名失地之君也是也上僭稱王解云春秋說云桓三年秋七月壬辰朔日有食之既其後楚僭號稱王滅鄧穀政教陵遲是也

公子翬如齊逆女

九月齊侯送姜氏于謹何以書譏何譏爾諸侯越竟

送女非禮也以言姜氏也禮送女父母不下堂姑

姊妹不出門謹呼齊也以言姜氏也解云謹若

今言姜氏故知越竟也禮此入國矣何以不稱

夫人據謹魯地自我言齊怨已以及人也父母

之於子雖為鄰國夫人猶曰吾姜氏所以崇父子

之親從父母辭不言孟姜言姜氏者從魯辭起魯地

○猶曰吾姜氏○解云若有言孟姜者孟為衍字也
○從父至魯地○解云孟姜者即詩云彼美孟

姜正謂此也孟字亦有作季字者誤也

公會齊侯于謹夫人姜氏至自齊○輦何以不致○據


遂以夫人婦姜至自齊致○據遂至齊致○得見

乎公矣○本所以致夫人者公不親迎有危也輦當

并致者輦親迎重在輦也上會謹時夫人以得見公

得禮失禮在公不復在輦故不復致不就謹上致者

婦人危重故據都城乃致也月者為夫人至例危重



之○親迎魚敬反下同○不就至乃致○解云若

為夫于僞反下同○就謹致即鄉者至謹之時

書之宜在公會齊侯于謹上○月者至重之○解

云即宣元年三月遂以夫人婦姜至自齊成十四年

九月僑如以夫人婦姜氏至自齊是也

冬齊侯使其弟年來聘

有年○有年何以書○方分別問大有年故不但言何

以書○別彼○以喜書也大有年何以書亦以喜書也

此其曰有年何僅有年也○僅猶劣也謂五穀多少

皆有不能大成熟○僅其斬○謂五至成熟○解

也彼其曰大有年何問宣十六年也大豐年也

謂五穀皆大成熟僅有年亦足以當喜乎恃有年也

特賴也若桓公之行諸侯所當誅百姓所當叛而

又元年大水二年耗減民人將去國喪無日賴得五


穀皆有使百姓安土樂業故喜而書之所以見不肖

之君為國尤危又明為國家者不可不有年○行下

減呼報反下佳孟反耗

四年春正月公狩于郎狩者何田狩也田者蒐狩

之總名也古者肉食衣皮服捕禽獸故謂之田取獸



于田故曰狩易曰結繩網以田魚○狩手又

解云正以春而言狩故執不知問○田者蒐狩之

總名也○解云即尚書云文王不敢盤于遊田

古者食肉衣皮服捕禽獸故謂之田取獸于田故曰

狩易曰結繩網以田魚○解云此古者謂二皇之時

也故禮運道三皇時云昔者先王未有火化食草木

之實鳥獸之肉飲其血茹其毛未有麻絲衣其羽皮

後聖有造然後修火之利治其麻絲以為布帛以養

生送死以事鬼神又下繫辭云黃帝堯舜垂衣裳而

其大者○曰蒐本又作搜亦作廋所求反簡擇也冬曰狩○狩猶獸也冬

時禽獸長大遭獸可取不以夏田者春秋制也以為

飛鳥未去於巢走獸未離於穴恐傷害於幼穉故於

苑囿中取之○長丁丈反年未同離力智反囿音又禮四時皆

田故也常事不書此何以書譏何譏爾遠也○不以至制也

其地遠禮諸侯田狩不過郊○以其至遠也○解

鄭伯來戰于郎傳云郎者何吾近邑莊三十一年春


築臺于郎傳云何以書譏何譏爾臨民之漱浣也以

此言之則郎為近邑言遠也者蓋以郎邑在郊內其

屬地在郊外若據邑言之則為近若據地言之則為

遠也故哀十一年左氏郊之戰檀弓謂之戰于郎也

者是郎邑在郊內之證也則此言狩于郎者據郊外



屬地言之故言遠是以此註云以其地遠禮諸侯田

狩不過郊下五年大雩之下註云去國遠狩是也而

舊云以其云大野諸侯曷為必田狩○據有圃也

遠故言遠者非○解云即成一曰乾豆一者第一之

殺也自左膘射之達於右髀中心死疾鮮潔故乾而

豆之中薦於宗廟豆祭器名狀如鐙天子二十有六

諸公十有六諸侯十有二卿上大夫八下大夫六士

二○左膘毗小反又扶了反王倉云小腹兩邊肉說

文云脅後髀前肉射之食亦反下同右髀本又作

膈魚俱反又丑苟反說文云肩前也字林云肩前兩

乳骨也五口反中心丁仲反下同鐙都鄧反又音登

天子至士二○解云自下大夫六以上禮器文也

解云自下大夫六以上禮器文也

及告閣

其士二者何氏差也按聘禮致饗餼于上大夫堂上
 八豆設于房西則知此皆堂上豆數也公食大夫禮
 曰宰夫自東房薦豆六設于醬東則食下大夫之禮
 而豆六則知食卿上大夫亦八明矣周禮公之豆四
 十侯伯之豆三十有二子男
 之豆二十有四者蓋普言之 **二曰賓客** 二者第二

之殺也自左臠射之達于右脾遠心死難故以為賓


客 ○遠于 **三曰充君之庖** 萬反 ○二曰賓客○解云言以為賓祖實為猶作也

注 充備也庖廚也三者第三之殺也自左臠射之達

于右臠中臠臠汚泡死遲故以充君之庖廚已有三

牲必田狩者孝子之意以為己之所養不如天地自

然之牲逸豫肥美禽獸多則傷五穀因習兵事又不



空設故因以捕禽獸所以共承宗廟示不忘武備又

因以為田除害狩例時此月者譏不時也周之正月

夏之十一月陽氣始施鳥獸懷任草木萌芽非所以

養微 ○庖步苞反左脾方爾反又步啓反股外也○

又作臠右臠羊紹反字林子小反一本作肱音

賢泡普交反又百交反捕音步本又作搏 **注** 狩例

音博又音付共音恭為田于偽反下音同 **注** 時○解

云即莊四年冬公及齊人狩于郟僖二十八年冬天

王狩于河陽是也○ **注** 此月者至養微○解云在哀


十四年孔子欲夏之 **注** 孟冬以為田狩之月

夏天王使宰渠伯糾來聘 **傳** 宰渠伯糾者何天子之大
 夫也其稱宰渠伯糾何 **注** 據劉卷卒氏采不名且字

○糾居黜反氏采宰渠伯糾者何○解云欲言微
七代反後放此者而經稱伯欲言尊卿連名言
 之故執不知問○解云据劉至且字○解
 云在定四年也劉是其采卷是名也

下大夫也

天子下大夫繫官氏名且字繫官者卑不得專官事
 也稱伯者上敬老也上敬老則民益孝上尊齒則民
 益弟是以王者以父事三老兄事五更食之於辟離
 天子親袒而割牲執醬而餽執爵而酌冕而總于率
 民之至也先王之所以治天下者有五貴有德為其
 近於道也貴臣為其近於君也貴老為其近於父也
 敬長為其近於兄也慈幼為其近於子弟也禮君於



臣而不名者有五諸父兄不名經曰王札子是也詩
 曰王曰叔父是也上大夫不名祭伯是也盛德之士
 不名叔肸是也老臣不名宰渠伯糾是也下去二時
 者桓公無王而行天子不能誅反下聘之故為貶見

其罪明不宜

○弟大計反更音庚食音嗣辟必亦反
袒音但饋其愧反酌以刃反又士刃反

其近附近之近下同札側入反天子至益弟○
 肸許乙反去起呂反見賢徧反解云言繫官以為

氏渠是名糾是且字也○解云是以至之至也○解云
 祭義云食三老五更於大學天子親袒而割牲執醬

而饋執爵而酌冕而總于所以教諸侯之弟也鄭註
 云割牲制俎實也冕而總于親在舞位以樂侑食也

教諸侯之弟次事親起也樂記亦有此文○先王
 至弟也○解云皆祭義文也○禮君至是也○解

云皆何氏之意故皆取經以當之。○**註**諸父至是也。○解云宣十五年王札子殺召伯毛伯傳云王札子者何長庶之號也。註云天子之庶兄札者冠且字也。禮天子庶兄冠而不名所以尊之是也。○**註**上大大夫至是也。○解云隱元年祭伯來傳云祭伯者何天子之大夫也是也。○**註**盛德至是也。○解云宣十七年公弟叔肸卒彼註云稱字者賢之宣公篡立叔肸不仕其朝不食其祿終身於貧賤故孔子曰篤信好學守死善道危邦不入亂邦不居天下有道則見無道則隱此之謂也是。○**註**老臣至不宜。○解云渠是其名而言不名者謂計其官爵之時實合氏官名而且字但以其年老故兼稱伯示有不名之義也故知之矣。

五年春正月甲戌巳丑陳侯鮑卒**傳**曷為以二日卒之

憾也

傳

憾者狂也齊人語

○憾呼述反
狂也齊人語

甲戌之日亡

巳丑之日死而得君子疑焉故以二日卒之也**傳**君

子謂孔子也以二日卒之者闕疑

傳

○**註**君子至闕疑
○解云正以哀

十四年傳云君子曷為為春秋故也

夏齊侯鄭伯如紀**傳**外相如不書此何以書**傳**据蔡侯

東國卒于楚不言如也

傳

据蔡至如也。○解云在昭二十三年夏也按襄二

十六年許男甯卒于楚在蔡侯之前而不據之者科取一以當之不以後見義或者正以蔡是大國齊之類故**離不言會也****傳**時紀不與會故略言如也春秋

始錄內小惡書內離會略外小惡不書外離會至所

聞之世著治升平內諸夏而詳錄之乃書外離會嫌

外離會常書故變文見意以別嫌明疑○與音預治直吏反見意
 賢徧反下文註公書內離會者○解云即隱二年
 並同別彼列反公會戎于潛是也○不書外離
 會者○解云即此文變會言如是也公乃書外離
 會○解云即宣十一年晉侯會狄于攢函是也公
 嫌外至明疑○解云若不載此事以略言如則嫌所
 傳聞之世合書外離會但偶無之而已故曰嫌外離
 會常書也故書而變其文見所傳聞之世不書外離
 會之意故曰變文見意也所以別其嫌而明其疑故
 曰以別嫌
 明疑也

天王使仍叔之子來聘傳仍叔之子者何天子之大夫

也其稱仍叔之子何傳據宰渠氏官武氏子不稱官

又不加之尹氏不稱子傳仍叔之子者何○解云欲
言大夫而文言之子欲言



未仕而天王使之故執不知問○據宰渠氏官○
 解云即上四年夏天王使宰渠伯糾來聘是也○
 武氏至加之○解云即隱三年秋武氏子來求聘是
 也○尹氏不稱子○解云即隱三年夏四月辛卯
 尹氏卒傳譏何譏爾譏父老子代從政也禮七十縣
 是也

車致仕不言氏者起父在也加之者起子辟一人○

音禮七十縣與致仕○解云按春秋說文謂之
 亥禮七十縣與致仕○解云按春秋說文謂之
 淵隅是謂高春至於連石是謂下春至於悲泉爰止
 其女爰息其馬是謂縣與舊說云日在縣與一日之
 暮人年七十亦一世之暮而致其政事於君故曰縣
 輿致仕也亦有作車字者○不言至在也○解云
 言仍氏子則與武氏子文同嫌亦無父故曰起父在
 三年百里子與蹇叔子之類是
 一人故曰加之者起子辟一人

葬陳桓公

註不月者責臣子也知君父有疾當營衛不

謹而失之也傳曰葬生者之事

註不月至之也○**註**解云正以卒日葬

月乃是大國之例今書時故決之○**註**傳曰至之事○**註**解云隱十一年傳文

城祝丘

秋蔡人衛人陳人從王伐鄭**傳**其言從王伐鄭何**註**据

河陽舉王狩別出朝文文不連王王師不道所加從

王如字又才用**註**据河至連王○**註**解云僖二十八


反下及註同**註**年冬公會晉侯以下于温天王狩

于河陽壬申公朝于王所彼舉王狩此不舉之彼則

出公朝之文其文不連上王今言從于伐鄭經連王

言之故難之或者上會于温諸侯之文連王言之○

註王師不道所加○**註**解云成元年秋王師敗績于貿



戎不道伐某今**從王正也****註**美其得正義也故以從

言伐鄭故難之

王征伐錄之蓋起時天子微弱諸侯背叛莫肯從王

者征伐以善三國之君獨能尊天子死節稱人者刺

王者也天下之君海內之主當秉綱撮要而親自用

兵故見其微弱僅能從微者不能從諸侯猶莒稱人

則從不疑也不使王者首兵者本不為王舉也知實

諸侯者以美得正○**註**撮七活反不為于偽**註**猶莒

○**註**解云即隱八年公及莒人盟于包來傳曰公曷為

與微者盟稱人則從不疑也**註**云從者隨從也實莒

不使至得正○解云若使王者首兵宜言王以蔡人衛人陳人伐鄭似若僖二十六年公以楚師伐齊取穀然

大雩傳大雩者何旱祭也○雩旱請雨祭名不解大者

祭言大雩大旱可知也君親之南郊以六事謝過自


責曰政不一與民失職與宮室崇與婦謁盛與苞苴

行與讒夫倡與使童男女各八人舞而呼雩故謂之

雩不地者常地也○一與音餘下同苴子餘反○君親至責曰

傳文○政不一與○解云謂政不專一出自權臣

之門○民失職與○解云謂廢其農業○宮室崇與○解云謂阿請亂國○苞苴行與○解云謂受人之



饋政以賄成○讒夫倡與○解云謂若魯任鄭瞻

六七人與此異者彼言暮春者春服既成明魯人正

雩故其數少復不言男女今此書見于經非正雩也

凡修雩者皆為旱甚而作之故其數多又兼男女矣

是以司巫職曰若國大旱則率巫以舞雩是也春秋

說文冠者七八人童子八九人者蓋是天子雩也然

則何以不言旱○據日食鼓用牲于社○據日至

云莊二十五年經彼舉日食乃言鼓用牲于社此不言旱直言大雩故據難之

言旱則雩不見○從可知故省文也日食獨不省文者與大水同禮若但言鼓用牲則不知其所為必見雩者善其能戒懼天災應變求雨憂民之急也○應對

之應與大至急也。○解云諸言日食與大水皆下同。鼓用牲也。即莊二十五年秋大水鼓用牲于社是也。何以書記災也。旱者政教不施之應。先是桓

公無王行比為天子所聘得志益驕去國遠狩大城

祝丘故致此旱

比為天子所聘。○解云即注四年夏天王使宰渠伯糾來聘是也。

○解云即四年春公狩于郎是也。○大城祝丘。○解云在今年夏正以大崩壞敗然後

發衆城之故曰大城。

蠲

何以書記災也

蠲者煩擾之所生與上旱同說

冬州公如曹外相如不書此何以書過我也

○蠲音終本亦作。○蠲說文蠲或蠲字。

冬

州公如曹

外相如

不書此何以書過我也

為六



年化我張本也傳不言化我者張本非再化也稱公

者申其尊起其慢責無禮

○過古禾反。○無禮。○稱公至

云天子三公稱公王者之後稱公州國非此二者必

非是公但今過魯自尊若公故如其意書之曰公以

起其無禮也但諸文不知本爵是何諸家之意左氏已具也

六年春正月寔來

寔來者何猶曰是人來也

猶曰

是人來不錄何等人之辭

○寔市力反

寔來者何。○解云不書其人而

經言寔來故執不知問

孰謂謂州公也

以上如曹書曷為謂

之寔來慢之也曷為慢之

據葵丘之盟日化我也

行過無禮謂之化齊人語也諸侯相過至竟必假

塗入都必朝所以崇禮讓絕慢易戒不虞也今州公過魯都不朝魯是慢之為惡故書寔來見其義也月者危錄之無禮之人不可備責之

同 **解** 據蔡至盟日○解云僖九年九月戊辰諸侯盟于葵丘傳云桓之盟不日此何以日危之也

何危爾桓公震而矜之叛者九國震之者何猶曰振然註云亢陽之貌矜之者何猶曰莫若我也註云

色自美大之貌然則桓公振矜慢人而書日危之本魯慢州公非敬逆之道是以據而難之○**行** 行過至

義也○**解** 云今州公過魯而慢之傳云化我故知化我是行過無禮之言是以哀六年傳云陳乞曰常之

母有魚菽之祭願諸大夫之化我也諸大夫皆曰諾於是皆之陳乞之家亦是行過無禮之事○**月** 者

至責之○**解** 云凡朝例時此不朝故書月以見危不書日以見其危者無禮之人不可備責故也

夏四月公會紀侯于成

秋八月壬午大閱 **傳** 大閱者何簡車徒也 **注** 大簡閱兵

車使可任用而習之 **○** 閱音悅 **注** 大閱者何 **○** 解云

狩欲言他事而經書 **何以書蓋以罕書也** **注** 罕希也

大閱故執不知問 孔子曰以不教民戰是謂棄之故比年簡徒謂之蒐

三年簡車謂之大閱五年大簡車徒謂之大蒐存不

忘亡安不忘危不地者常地也蒐例時此日者桓既

無文德又忽忘武備故尤危錄 **注** 何以至書也 **○** 解

一為桓公忽忘武備過於三年是以書之 **○** 禮三年至棄之 **○** 解云何氏之意與鄭別 **○** 故比至之蒐

○解云即昭八年秋蒐于紅之屬是也○**註**三年至大閏○解云此文是也○**註**五年至大蒐○解云即定十四年大蒐于比蒲之屬是也知其年數者漢禮猶然○**註**不地者常地也○解云蓋在郊內而賈註經云簡車馬于廟也者何氏不取○**註**蒐例時者昭八年秋蒐于紅定十四年夏大蒐于比蒲之屬是也○**註**此日至危錄○解云例合書時而乃書日故以為尤危錄也

蔡人殺陳佗

傳陳佗者何陳君也

註以躍卒不書葬也

○佗大陳佗者何○解云欲言陳君經不書爵欲阿反言大夫又不言氏故執不知問○**註**以躍至葬也○解云十二年八月壬辰陳侯躍卒註云不書葬者佗子也佗不稱侯者嫌在名例不當絕故復去躍葬也是以昭十一年楚師滅蔡執世子有以即用之傳云此未踰年之君也其稱世子何不君靈公不成其子也不君靈公則曷為不成其子誅君之子不立以此言之正由陳佗不君而見絕故去其子



葬是故以躍不書葬知佗是陳君若陳君則曷為謂其不然不知陳侯躍何以不書葬矣

之陳佗

傳據殺蔡侯般不言蔡般

音班

註據殺

○解云昭十一年楚子虞絕也絕者國當絕曷為誘蔡侯般殺之於申是也

絕之

傳據戕鄫子不絕

才陵反

註據戕至不

十八年邾婁人戕鄫子稱子而不名是也賤也其賤奈何外淫也惡乎淫

惡乎猶於何也

猶於何也註同

淫乎蔡蔡人殺之

蔡稱人者與使得討之故從討賊辭也賤而去其爵者起其見卑賤猶律文立子姦母見乃得殺之也

不月不書葬者從賤文○去起
呂反
註猶律至之也○
解云猶言對子姦

母也。○**註**不日至賤文。○解云陳佗是君而見弑例合書日。即隱四年戊申衛州吁弑其君完之屬是也。君被外國殺者不責臣子不討賊例合書葬。即桓十八年葬我君桓公是也。今不書日不書葬者從賤文也。故也。

九月丁卯子同生。**傳**子同生者孰謂謂莊公也。**註**以夫

人言同非吾子。**○**嚴公音莊本亦作莊。**註**子同生者按後漢諱莊改為嚴。**○**孰謂。○解

云春秋之內魯侯多矣皆不書生。今特書故問為誰。**○****註**以夫至吾子。即莊元年傳云夫人譖公于齊侯

公曰同非吾子齊侯之子也者是也。正以道公疑非已子則是其長子同既繫體是常故知莊公也。何

言乎子同生。**註**据君存稱世子子般不言生。**註**据

言生。○解云莊三十二年冬十月乙未子般卒。傳云子卒云子卒此其稱子般卒何君存稱世子君薨稱



子某既葬稱子。喜有正也。**註**喜國有正嗣未有言喜

有正者此其言喜有正何久無正也。子公羊子曰其

諸以病桓與。**註**其諸辭也本所以書莊公生者感隱

桓之禍生於無正故喜有正而不以世子正稱書者

明欲以正見無正疾惡桓公日者喜錄之禮生與來

日死與往日各取其所見日也。禮世子生三日卜士

負之寢門外以桑弧蓬矢射天地四方明當有天地

四方之事三月君名之大夫負朝于廟以名徧告之

○桓與音餘稱尺證反惡。**註**而不至桓公。○解云

鳥路反射食亦反徧音遍。**註**若以正稱書宜言世子

同生也同實世子而不以正稱書之是其以正見無
 正之義桓由不正而篡弑故曰疾惡桓公也○**註**日
 者至日也○解云與由數也由生數來日故書丁卯
 而錄之凡人謂方至為來已過為往故云生與來日
 死與往日也鄭注曲禮上篇云生數來日謂成服杖
 以死明日數也死數往日謂殯歛以死日數也者與
 何氏異○**註**禮世至告之
 ○解云皆出內則文也

冬紀侯來朝

註

朝聘例時

春秋公羊註疏桓公卷第四



